

deru das ewige Leben haben: So haben wir seinen Worten sicher-
lich zu trawen/ vnd darauß zu fussen: Denn er ist ein trewer Zeuge
vnd die Wahrheit selbst. Im gleichen/ wenn er spricht/ Er sey die
Auferstehung/ vnd das Leben: Wer an ihn glaube /
der werde leben / ob er gleich stürbe: Vnd wer da Johan. 13.
lebet vnd glaubet an ihn / der werde nimmermehr
sterben: So haben wir solchen seinen Worten ganz sicher zu tra-
wen: Denn Christus vnser Heiland ist ein trewer Zeuge/xc. Vnd also
so in allen Articulen des Glaubens ferner.

III. So sol dieser Name Christi in allen gefehrlichen dispu-
tationibus der Reher; vnd aller der jenigen / welche der Wahrheit
widersprechen / vns entscheiden; Denn wenn wir dieses trewen Zeu-
gen sein Wort vnd Zeugnis haben/sollen wir dasselbe gelten lassen /
vnd alle Gegenrede fahren lassen. Also/wenn Christus saget: **Sehet**
ich bin bey euch alle Tage / bis an der Welt Ende /
Matth. 28. Vnd vns damit seine / wiewol vnsehbare / doch war-
hafftige Gegenwart verheisset/ die Calvinisten aber fürgeben/ es sey vn-
möglich daß Christus/ weil er einen natürlichen Menschlichen Leib
hat/ damit er gen Himmel gefahren/ mehr denn an einem Ort/ zu ei-
ner Zeit könne gegenwertig seyn: So sol vns dieser Name Christi/
daß er ein trewer Zeuge genennet wird / entscheiden: vnd wir daher
seinem vnfehlbaren Zeugnis gewis glauben: vngeachtet was die
Calvinisten/ aus der blinden / thörichten Vernunfft / dawider für-
bringen. Im gleichen wenn Christus spricht/ in der Einsetzung sei-
nes heiligen Abendmals/ Matth. 26. 2c. **Nemmet esset/ das ist**
mein Leib: Trincket/ das ist mein Blut: Matth. 26. Damit er helle
vnd klar anzeiget / daß er nicht nur Wein vnd Brodt / sondern
vnter denselbigen sichtbaren Zeichen / vns zugleich schencket vnd
gibt seinen waren Leib vnd wares Blut/ so er für vns gegeben vnd
vergossen: Ein Calvinist aber hiegegen für gibt/ daß Brod vnd Wein
nur seyn im heiligen Abendmal/ Zeichen vnd Symbola des abwes-
senden Leibs vnd Bluts Christi: So sol abermal dieser Name Chri-
sti / daß er ein trewer Zeuge genennet wird / vns in diesem

Zi iij

Streit

3.

3.

Dieser Name
Christi sol vns
in allen dispu-
tationibus
vnd Streitig-
keiten entschei-
den.

Matth. 28.

Matth. 26.